

跟隨者患病因無足慮其或家貧及止有幼男婦女在任得  
患久病者仍照前例不許放回養及三箇月之後又行依律住  
俸誠恐月久衣食不給又無人請醫調治致使在官病故不  
惟喪柩回家艱難抑恐妻子失所無歸伏乞

聖明勅吏部今後御史如果久病照依各衙門官員患病事例查勘  
是實許令回原籍調治病候痊之日即便回任管事如此  
廢使事例歸一而

聖恩均沐矣具題

聖旨是今後御史果有病的放回養病詐病照舊不許吏部知道欽此欽遵  
抄出到部送司查得天順二年十月三十日談太監牛玉傳奉  
聖旨着吏部查丁憂養病省親御史寫來看欽此欽遵將查出丁憂御  
史姓名開坐具題次日奉

聖旨丁憂的着服滿了來養病省親的便都取將來果有的病就着

在京養今後御史再不許養病省親欽此

各處分巡分守官遇有應勘事情俱要親躬勘

問及於守巡地方常川往來例

成化三年二月初三日都察院右副都御史賈 等題為

禁約瞻職事該雲南按察司呈准洱海道關一起陳情道

制聚衆鬧賣官封銀塲等事據委官洱海衛鎮撫孫謙呈問得犯人

陶祥誣告臧等徒罪照例納米李三兒供明照出結

揮等官李嵩等無干又准金滄道關一起貪暴違法

等事據委官楚雄府碕嘉縣知縣王章等呈問得犯人

楊隆羅病等各徒杖罪杜文海供明聚衆劫財毀房

屋人命等事俱委官王章呈問得阿你阿囊等各

徒杖管罪張迪等供明照出主簿張瑞等無干除參

詳乞當及行原委官員將各犯依擬發落外各將委官

問過招罪緣由備閱本司呈繳前來查得先該楚雄衛軍人陶祥奏稱本衛指揮等官李嵩等官李嵩等擅開銀場侵占官軍起蓋蓋式房屋打楚銀器皿糾合不知名男子一千餘人空開麻嵩等洞每月要銀一百兩并姦淫婦女等情又該大理府趙州雲南縣民人羅痢奏被土官舍人楊隆強占田地刁引弟婦為妾累次具告又有本縣流官知縣郭凱因受楊隆賄賂不行問理及楊隆亦奏王鐸佐使賊人羅痢等將隆房屋拆毀搶去稻穀投傷本府知府李遜將姪楊文英淹禁苦打受銀一百二十兩等情又該大理府太和縣民人阿伶奏被賊人羅痢等打劫家財管束巡捕官緝獲投監不期羅痢係雲南縣上官主簿張瑞心復伴當要得替伊報讐官帶領伊姪張顯等將伶捉拿解縛乘機搶去家財被火燒毀房屋等情已經節行雲南按

察司從公勘問發落干碍應奏官員徑自奏

請提問去後今該前因看得陶祥等誣告人罪犯在成化元年十月二

十七日

大赦以前不該納未贖罪及羅痢楊龍原奏知縣郭凱知府李遜

受要賄賂銀兩俱不照出有無干碍及應否發落阿讓等

十名雖經問理發落亦不見各犯供招與阿伶招結有無相

干俱屬未當及節因該伏覲

欽定憲綱凡按察司分巡去處如有陳告官吏取受不公等事須

要親行追問不許轉委欽此今前項各起奏詞本院俱行

按察司勘問其本詞分巡該道官員照

憲綱并本院原行勘合先行取問明白親自問結回報却將奏內有礙

指揮等官事情轉委衛鎮撫有碍知府等官事情轉

委知縣等官勘問如此顛倒行事參照雲南按察司



分巡洱海等道官員不照本院原行勘合將軍陶祥等所奏指揮知府等官李嵩等違法事情親自勘問極力轉所屬衛鎮撫知縣等官及至問擬不當又不參駁改正似此推奸避事故違

憲綱今當問罪其總司掌印官員亦不參詳駁正輒與呈覆亦屬有違及照各處布按二司分守分巡官員中間亦有此等推奸避事將奉到勘合應該勘問事件俱各轉委所屬官員問理只是依衣回繳勘合非惟有乖常憲抑且所委官員多出人情罪枉抑無辜致使受抑無伸往往再詞越訴煩瀆聖德又有一等分守分巡官員耽於安逸不行親詣巡守地方理斷公事公然在於總司并占據城內係額設衙門及受到詞訟不分事情輕重一槩拘提人證前來勘合近者三四百里遠者八九

九里往往延解負累人難及有布按二司應合各委堂上官員會同勘合事件其佐貳官或推托于機或畏避利害事掌印官員莫敢移文坐委以致經年累歲事無完結若不通行禁約深為未便欽行巡按雲南監察御史朱暉將雲南按察司前項分巡洱海金滄二道官員查提到官問擬如律照例發落及取本詞掌印官員不行駁正的本貽服繳報本院仍行本司會同布政司各委堂上官公正官一員將陶祥等所奏事情再行從公勘問明白依律議擬照例發落于礙應奏官員徑自奏

請提問務在公道聽明人心信服仍通行各布按二司分守分巡官員今後遇有遇有陳告官吏違法事情并奉

到勘合應該勘問事理俱親詣勘問其於分巡守  
地方常川往來勘問公事并訪問軍民休戚官吏  
賢否興利除害以求無負

朝廷任使若有行令布按二司委官會問事件各司掌印官將  
佐貳官職名開赴巡撫巡按官處公同坐委其承  
委官員務要隨即會同前去勘理不許推託延調  
慢事敢有以前故違者許巡撫都御史巡按御史指  
實參奏提問仍將開過緣由備行本院知會後本官  
考滿至日查照明白轉行吏部以憑黜陟如此庶得官  
無曠職事務耽誤等因具題奉

聖旨是欽此

稽考分巡分守勤怠例

成化五年十一月二十九日都察院右副都御史林等  
為分巡事廣東道呈刑科抄出巡撫廣東本院  
右副都御史陳題照得廣東按察司原分嶺  
東嶺南嶺西海南海北五道舊例輪委本  
司堂上官員各帶本道印信前去分巡俱有  
年更替內海北道所轄雷廉二府及帶管高州  
府所屬州縣并雷電等衛其地接連廣西鬱林  
博白等處海南道所轄瓊州府海南衛并所  
屬州縣外結大海內控生黎俱名延袤二千餘  
里相去廣州壹月以上之程近年以來流賊土賊  
生發水旱災異相仍官吏廢法人民流離須  
得按察司分巡官員常川在彼提督軍